

* 45. b. **देवदूतं ।** Haec ita coniuncta et clarissimus WILKINS intellexit, vertens: » *And shew me thy celestial form.* « Melius tamen separabuntur, ut **देव** sit vocativus. Nunc enim non divinam Krishnae formam Arjuna adspicere optat, sed potius humanam, mitem illam, quadribrachiam, tiara, clava discoque ornatam, quae solemnis est Vishnuis signis.

ED. CALC. in hac lectione 54 Disticha tantummodo numerat, totidem tamen, quot nos, versus exhibet. Error est in numero 48 bis appposito.

LECTIO XIII.

In exordio huius lectionis COD. D. habet distichon, quod abest tum ab ED. CALC., tum a ceteris codicibus:

॥ अर्जुन उवाच ॥

प्रकृतिं पुरुषं चैव क्षेत्रं क्षेत्रज्ञमेव च ।

एतद्वेदितुमिच्छामि ज्ञानं ज्ञेयं च केशव ॥

Quod meo quidem arbitrio additamenti plane simile est, etsi interpretem Anglum in suo exemplari Varanasiae, ubi tum commorabatur vir clarissimus, idem legisse video. Transitum nempe ad sequentia parare librarius quidam vel commentator conatus est, quum seriem orationis non bene percepisset, nec intellexit, multo magis incongruam esse Arjunae interrogationem de rebus, quarum nullam adhuc Krishnas mentionem fecerat. Adde ad cetera argumenta quibus